



UPA 2016/085-01

29.04.2016

Inatsisartut aaliangiiffigisassaattut siunnersuut, Naalakkersuisut peqquneqassasut kingusinnerpaamik UPA2017-mi allannguutissamik siunnersuuteqassasut, Kalaallit Nunaannut suliffissarsiortut killilersimaarnissaat pillugu Inatsisartut inatsisaanni § 6 imm. 3-mi, sulisitsisut atorfinitisitinissamik qinnuteqarnerisa kingorna ullut 14-it qaangiunneratigut kommune piffissap iluani aaliangiisimannngippat, ingerlaannartumik atorfinitisitisinnaanerup atorunnaarsinneqarnissaa pillugu.

(Inatsisartunut ilaasortaq Per Rosing-Petersen, Partii Naleraq)

Inatsisartunut ilaasortaq Per Rosing-Petersenip, Partii Naleqqameersup siunnersuutaa, tassa Naalakkersuisut peqquneqassasut kingusinnerpaamik UPA2017-mi allannguutissamik siunnersuuteqassasut, Kalaallit Nunatsinnut suliffissarsiortut killilersimaarnissaat pillugu Inatsisartut inatsisaanni § 6 imm. 3-mi, sulisitsisut atorfinitisitinissamik qinnuteqarnerisa kingorna ullut 14-it qaangiunneratigut kommune piffissap iluani aaliangiisimannngippat, ingerlaannartumik atorfinitisitisinnaanerup atorunnaarsinneqarnissaa tunngasoq Partii Naleqqamiit imannak oqaaseqarfingissuarput.

Suliffissaaleqisut maani najungaqtut nunatsinni naatsorsueqqissaartarfiup nalunaarsorsimasai naapertorlugit kisitsisit kingulliit takutippaat marts qaammat 2016 suliffissaaleqisut katillugit 3.241-sut, taammaakkaluartorli sulisussat avataaneersut killeqanngiusattumik tikerartinneqarput.

Pissutsit taamaannerat isiginngitsuusaaginnarneqarsinnaanngillat.

Taamaammat-una siunnersuut qulaani pineqartoq aamma siunnersuut alla, tassa sulinerup imminut akilersinnaasunngorlugu aaqqiivigineqarnissaa, minnerunngitsumillu isumaginninnikkut ikorsiissutit sulileqqinnissamut aporfijunnaarlugit aaqqiivigineqarnissaat pillugit upernaaq manna oqaluuserisassanngorlugit siunnersuutigivut.

Isumaqpugut suliffik sulisitsisullu sulisunut pitsaasumik aaqqiisinnaanerat, aalajaatsunik sulisoqarniarnermut pingaaruteqartorujussuusut.

Tassami soorlu siunnersuuteqartup assersuutigalugu, Ilulissani hotel Arctic-ip kalaaliinnangajannik sulisoqarnikkut kusanartumik takutitsinera assersuutissaasoq pitsaasoq oqaatigingaa. Aamma nalunngilagut suliffeqarfiiit maani aalaakkaasumik najungallit kalaalerpassuarnik sulisoqartartut, kisianni suliffeqarfiiit ilarpassuisa nunatta avataaneersunik sulisoqarnissamik qiniinnartarnerat ajornanngippalaartoq.

Aamma Naalakkersuisut akissuteqarnerminni ilaatigut inatsisartut ukiakkut 2012-imi uunga assigusumik siunnersuuteqartoqarsimaneranik, taassumalu siunnersuutip taamanikkut itingartitsissutigineqarsimaneranik eqqaasitsinerat pissusissamisuunngitsoq, tassami pissutsit periutsillu allanngoriartortaannarput, aamma kina oqarpa, inatsisartut massakkut allaanerusumik naalakkersuinikkut pissaanermik katitingaasut siunnersummut akuersissasut imaluunniit itingartitsissasut ?

Taama oqaaseqarluta siunnerssuut taperserlugu, suliap aappassaanneerneqannginnerani inuussutissarsiornermut sulisoqarnermullu ataatsimiitaliami suliarineqarnissaa inassutingaarput.